

Transkription von Stadtbucheintrag HWI 1400e

Ort, Datierung: Wismar, 1400-??-??

Signatur: Stadtarchiv Wismar, Abt. VI, Amtsbücher E, S. 74-75

Inhalt: Rat der Stadt Wismar: Verfestungseinträge und Urfehden

Tideke Crūdelif heft laten vor vesten hans bloyedorne / dar v(m)me dat / he zineme zone dre lemede anghe wracht hadde / vn(de) gaf zik an de vor vlucht vn(de) is vor wu(n)nen mit / alleme lubesschen rechte /

Hartman van kasle is vor vested dar vm(m)e dat hee by / nacht slapender tiit mordede hans bŭxtehuden vn(de) gaf / zik an de vere vlucht vn(de) is vorwu(n)nen mit alleme lub(eschen) / rechte /

Tideke umkink heft orueyde daen daer v(m)me dar he eneme / doden ma(n)ne twe güldene stal nicht mer dar vp thozakende /

Hille hannemans vor sweret de Stad by ereme leuende / daer v(m)me dat ze kurt toden stolen hadde twe rocke / enen hoyken twe zŭluerne lepele ene ka(n)nen vn(de) zuluerne knepe /

Gosschalk westfal heft laten vor vesten mistervelde enen schŭ/knecht daer v(m)me dat he ěm ene wŭlkomene wanden stak /

Vicko en schŭ knecht is vorvested v(m)me dat he eneme anderen / schŭmaker knechte en wrachte twe beenbroke vn(de) een lemede / vn(de) dre blŭet vn(de) blaŭ by nacht slapender tiit /

hans hamborgh heft laten vorvesten hinc(i)k vn(de) thomŭs twe / brŭdere ghe heten/ hoppene van godebŭsse dar v(m)me dat **ze** / em na schoten vn(de) vele quader wo ¹ wort spoken tho scitede / vp den velde /

Tilzeke kalkweghersche heft laten vor vesten heylewich / valkenhaghe(n)s dar v(m)me dat ze er stolen heft xxxij mark / vn(de) enen bŭgh va(n) ener nobelen vn(de) gaf er an de vorvlucht / vn(de) is vorwu(n)nen mit alleme lubesschen rechte /

Clawes Iŭscowe be swered orueyde dar v(m)me dat hē in der / hechte zat daer nu(m)mer mere up thu zakende /

Wylken Iŭbekerman be swered orueyde dar v(m)me dat hē mit / mit vosse in der hechte zat nicht mer dar up tho zakende / vn(de) roghghenbuck de heft dar mede vor de orveyde sworn //

Hinrik beringher besweret orueyde dar v(m)me dat hee / mit zinen brŭder in der hechte zat dar nicht mer vp / zakende dar hebben vor louet Jacop bernigher / Hinrik houeman hinc(ik) beringher Tideke beringher /

Cregenberghesche vor sweret de stad by ereme leuede /

Cûrd cûleman is vor vested dar v(m)me dat hee henneke mester/ in der stad vryheyt dot schich ² vnde
gaf zik an de vorvlucht / vnde is vorwu(n)nen mit alleme lubesschen rechte /³

¹ **wo** durchgestrichen

² Verschreibung: ***schluch*** ?

³ Absatz durchgestrichen